



UNIVERSITÄTS-
BIBLIOTHEK
PADERBORN

Universitätsbibliothek Paderborn

**In Evangelia: Qvæ Vsitato More in diebus Dominicis &
Festis proponuntur, Annotationes Philippi Melanth.**

Melanchthon, Philipp

Vuitebergæ, 1544

VD16 E 4532

Dominica Prima Post Trinitatis, Evange. Lucae XVI.

urn:nbn:de:hbz:466:1-35272

TRINITATIS. 14.

nec est inutile regione Antithesin considerare. *Antithesis.*
 Est autem primus error aduersariorum, quod im- *Error papis.*
 ginantur homines posse satisfacere Legi Dei. *104*

Secundus error, quod somniant hominem me- *11*
 reri remissionem peccatorum proprijs operibus.

Tertius error, quod prorsus silent de fide ac- *111*
 cipiente remissionem peccatorum, propter Chri-
 stum. Imo addunt contrariam sententiam, scili-
 cet quod homo debeat semper dubitare, an sit in
 gratia.

Quartus error, quod fingunt opera renati *1111*
 esse impletionem Legis, & meritum uite aeternae,
 cum tamen ne ipsa quidem opera renati, & disci-
 plinam rationalem discernere possint.

Quintus, cum nihil dicant de fide, imo iu- *v*
 beant dubitare, non possunt recte docere iustifica-
 tionem, & tantum tradunt Ethnicam inuocatio-
 nem, cum clamitet Christus: Quicquid petieritis
Patrem in nomine meo, dabit uobis, id est, non fiducia
uestrae dignitatis, sed fiducia Christi mediatoris.

DOMINICA PRIMA POST
 TRINITATIS, EVANGE.
 Lucae XVI.

Homo autem quidam erat diues,
 & induebatur purpura & bysso,
 & epula.

DOMINICA PRIMA

& epulabatur quotidie splendide. Erat autem quidam pauper, nomine Lazarus, qui iacebat ad ianuam eius, ulceribus plenus, & cupiens saturari de micis, quæ cadebant de mensa diuitis. Sed & canes ueniebant, & lingeabant ulcera eius. Factum est autem, ut moreretur pauper, & portaretur ab Angelis in sinum Abrahe. Mortuus est autem & diues, & sepultus.

Et in inferno eleuans oculos suos, cum esset in tormentis, uidiit Abraham a longe, & Lazarum in sinu eius, & ipse clamans dixit: Pater Abraham, misere mei, & mitte Lazarum, ut intingat extremum digiti sui in aquam, & refrigeret linguam meam, quia crucior in hac flamma. Dixit autem Abraham: Fili recordare, quia recepisti bona tua in uita tua, & Lazarus similiter mala, Nunc autem hic consolatur, tu uero cruciaris. Et super hæc omnia inter nos & uos Chaos magnum firmatum est, ut hi

POST TRINITATIS. 15.

ut hi, qui uolunt hinc transire ad uos, non possint, neque inde ad nos transmeare.

Ait autem: rogo ergo te pater, ut mittas eum in domum patris mei, habeo enim quinque fratres, ut testetur illis, ut non & ipsi ueniant in hunc locum tormenti. Ait illi Abraham: Habent Moisen & Prophetas, audiant illos. At ille dixit: Non pater Abraham, sed si quis ex mortuis ierit ad eos, poenitentiam agent. Ait autem illi: Si Moisen & Prophetas non audiunt, neque si quis ex mortuis resurrexerit, credent.

PRIMVS LOCVS.

Generalis reprehensio est eorum, qui sunt duri erga pauperes. Nec intelligatur exemplum tantum de uno genere Elcemosynarum, sed eundum est per ordines. Pontifices & Reges sunt duri erga Ecclesiam, non student recte sanare dissipatam, exercent crudelitatem iniustam. Item gubernatores alij negligunt defensionem pauperum, Item priuati non iuuant Ecclesiam

DOMINICA PRIMA

siam & pauperes officijs, quibus debebant & poterant iuuare. ita generaliter intelligatur hæc reprehensio. Notum est autem præceptum. Beati misericordes, quoniam misericordiam consequentur. Item: Beatus qui intelligit super egenum & pauperem, in die mala liberabit eum Dominus. Hæc opera sunt necessaria. & quomodo placeant, alias sæpe dicitur, scilicet propter Christum mediatorem in his qui credunt.

SECUNDVS LOCVS.

Consolatio proponitur contra scandalum crucis. Lazarus pauper uidetur desertus à Deo, cum sit in extremis miserijs. Et tamen hic testatur Christus, hunc placuisse Deo, & curæ fuisse, & Angelos ei affuisse. Hanc consolationem in calamitatibus tenere necesse est, ne propter eas iudicemus nos abiectos esse.

TERTIVS LOCVS.

Diues uituperatur, non quòd possederit diuitias, Quia Deus Reipub. causa uult aliquos habere maiores facultates alijs. Sed duo uitia tribuntur diuiti: Quòd uixerit securus, & neglexerit pauperem. Securitas trahit secum multa uitia, uidelicet, quia in securis non est pœnitentia, non est metus diuini iudicij, non sunt exercitia fidei, non est sollicitudo pro Repub. pro Ecclesia &c.

QVARS

POST TRINITATIS. 16.

QUARTVS LOCVS.

Sinus Abrahamæ est quies piorum, qui ex promissione facta Abrahamæ, fidem, consolationem, & uitam æternam conceperant.

QVINTVS LOCVS.

Æternæ poenæ describuntur figuratè, siti & hiatu. Sed alibi proprie describuntur, quòd sit horribilis dolor animi, paupor & fuga.

SEXTVS LOCVS.

Vtilis doctrina traditur de uerbo Dei. Christus iubet nos de uoluntate Dei tantum consulere uerbum Dei, quod nobis propositum est, nec querere alias reuelationes, nec credere mortuis, Sicut alibi scriptum est: Non querite ueritatem à mortuis. Hæc sententia refutat spectra mortuorum, Item, inuocationem Sanctorum.

Hæc est summa huius historiæ. Cæterum imago accommodetur ad præsentis Ecclesiæ calamitates. Sicut hic diues negligit Lazarum, ita re ipsa nunc Pontifices, Reges, & Principes iacentem Ecclesiam ad uestibulum ipsorum negligunt. Non student ueris modis conciliare dissipatam, defendunt errores, Alibi interficiuntur Doctores, alibi fame pereunt, negliguntur Scholæ. Interea tamen canes, id est, aliqui sprete è uulgo utcunq; uiuant Ecclesiam, & leniunt arumnas docentium & aliorum, qualibuscunq; officiunt.

DOMINI